



第一〇四册

四庫全書

●上海古籍出版社

本冊目次

樂	附	范	奏	遺	附	補	嘉	附
全		忠					祐	
		宣						
集	錄	集	議	文	錄	編	集	錄

宋張方平撰……………一

宋范純仁撰
清范能濬輯補……………五四一

宋蘇洵撰
宋沈斐輯……………八四五

欽定四庫全書

集部

樂全集卷二

詳校官庶吉士_臣龍廷祝

檢討_臣何思鈞覆勘

總校官中書_臣朱

鈐

校對官中書_臣吳

俊

謄錄監生_臣周克鵬

欽定四庫全書

集部三

樂全集

別集類二 宋

提要

欽定四庫全書

樂全集

_臣等謹案樂全集四十卷宋張方平撰方平字安道宋城人舉茂材異等為校書郎歷官參知政事卒贈司空謚文定事迹具宋史本傳其自號樂全居士因以名集蓋取莊子樂全之謂得志語詳所作樂全堂詩中具集見于宋史藝文志者四十卷與此本合東都事略王鞏行狀尚載有玉堂集二十卷而方平在翰林時代言之文如立太子除宗諤節度使韓琦守司徒呂公弼樞密使李昭亮殿前副都指揮使諸制見于宋文鑑者此集皆無之知當在玉堂集中而今已亡佚所存惟此集而已凡詩四卷頌一卷芻蕘論十卷禘論二卷對語策一卷論事九卷表狀三卷書一

卷賡啟一卷記序一卷襍著一卷祭文碑誌

六卷方平穎悟于書一覽不忘善為文數千言立就才氣本什伯于人而其識又能灼見事理剴斷明法故集中論事諸文無不豪爽暢達洞如龜鑑不獨史所載平戎十策論新法疏為切中利弊蘇軾作序以孔融諸葛亮比之論者不以為私亦可信其卓然無愧立言之選矣遺集流傳甚少此本首尾頗完善

欽定四庫全書

樂全集

慎字下皆注今上御名四字蓋從孝宗時刊

本抄存者特不載蘇軾原序疑傳寫者所遺脫今併為錄補冠于卷首以存其舊焉乾隆四十四年九月恭校上

總纂官臣紀昀臣陸錫熊臣孫士毅

總校官臣陸費墀

樂全集序

孔北海志大而論高功烈不見於世然英偉豪傑之氣自為一時所宗其論盛孝章郝鴻豫書慨然有烈士大夫之風諸葛孔明不以文章自名而開物成務之安綜練名實之意自見於言語至出師表簡而盡直而不肆大哉言乎與伊訓說命相表裏非秦漢以來以事君為悅者所能至也常恨二人之文不見其全今吾樂全先生張公安道其庶幾乎嗚呼士不以天下之重自任

欽定四庫全書

樂全集

久矣言語非不二也政事文學非不敏且博也然至於臨大事鮮不忘其故失其守者其器小也公為布衣則顧然已有公輔之望自少出仕至老而歸未嘗以言徇物以色假人雖對人主必同而後言毀譽不動得喪若一真孔子所謂大臣以道事君者世遠道散雖志士仁人或少貶以求用公獨以邁往之氣行正大之言曰用之則行舍之則藏上不求合於人主故雖貴而不用用而不盡下不求合於士大夫故悅公者寡不悅者衆然

至言天下偉人則必以公為首公盡性知命體乎自然

而行乎不得已非靳以文字名世者也然自慶厯以來

訖元豐四十餘年所與人主論天下事見於章疏者多

矣或用於不用而皆本於禮義合於人情是非有考於

前而成敗有驗於後及其他詩文皆清遠雄麗讀者可

以想見其為人信乎其有似於孔北海諸葛孔明也軾

年二十以諸生見公成都公一見待以國士今三十餘

年所以開發成就之者至矣而軾終無所效尺寸於公

欽定四庫全書

者獨求其文集手校而家藏之且論其大畧以待後世

之君子昔魯魯公嘗為軾言公在人主前論大事他人

終日反覆不能盡者公必數言而決然成文皆可書

而誦也言雖不盡用然慶厯以來名臣為人主所敬莫

如公者公今年八十一杜門却掃終日危坐將與造物

者游於無何有之鄉言且不可得聞而況其文乎凡為

文若干卷若干首蘇軾撰

欽定四庫全書

樂全集卷一

宋 張方平 撰

律詩

皇帝狩于近郊

內閣同進
并別狀

伏觀皇帝陛下順茲冬令狩于近郊以臨農疇以蒐軍

實運用乾健烜揚天聲而旋禮無違者臣等叨處

詞禁幸陪詔蹕謹抒歌詠粗章感節各齋沐賦成皇帝

狩于近郊律詩一章謹隨狀上進以聞

欽定四庫全書

講事時農隙狩車此狩旼旼門開霽野帳殿拂霜天星

斗隨華蓋風雲逐寶鞭翼開花浪急圍合錦城圓射狡

無遺鐵從奔必應拉迹人輕過電騎隊速回游驚翮紛

爭擊材虛亦競先亟來餘逸足徑下不虛拳勇氣凌金

鼓愷聲雜筦絃抗綏分逆順植表閭周旋湯德逾三面

堯心豈兩耕頒禽均近列賜帛及高年坐幄陳慈宴停

輿勞力田鳴鏡迴綵仗斜日下潑泉寧校虞旗獲聊供

廟俎鮮簡稽嚴卒乘典制寓蹄筌甫草深懷古磻溪念

得賢威靈增震耀徒旅靜喧閑羽獵嘗歲漢車攻昔美
宣詞臣茲紀詠抑未愧前篇

大禮慶成

并引狀

皇帝陛下躬祀天地嚴配祖考百禮交舉而莫有違者
萬靈來顧而罔不歆焉仍自發冊之朝以至肆赦之日
風氣時順雲物晏溫大衆之都羣方畢會喜覩容典抃
舞相慶非上聖陟降庭止其孰能至于是乎臣等獲預
近班親瞻盛事抃歡不足輒撰成五言詩十韻宣曰掄
欽定四庫全書

卷一 樂金

二

欽定四庫全書

卷一 樂金

三

揚休烈亦臣子愛戴之誠
饗帝精禋舉嚴親廣孝純禰宮增懿典皇冊薦威神寶
殿齋居肅琳房獻禮陳慨瞻清廟几穆奠紫壇茵備樂
嘉安曲鴻儀顯相臣玉從丹禁出

禮神之玉出自禁中

路儼繡旂

新造玉輅
新今方御之瑞霽蒙天仗祥風入帝宸
惟呼九州會慶澤萬方均有幸逢華旦無謨翼至仁
但祈陪百禮景庖

越千春

九日侍宴太清樓

并引狀

今月九日蒙宣召赴後苑獲稻觀橙及太清樓射弓侍
宴者秋肅商昊日重陽琯眷蕭辰之節物綴宸賞於園

游因宴示慈俾人同樂伏惟皇帝陛下治猷時又聖問
日躋裁成太和丕覆廣品清鑒之田是獲稼作爾甘上
林之苞素著天成其實駐玉輿而省飭恣荷橐以榮觀
而復頒以天官之餘輟於果丞之供並拜君賜交荷
上仁方且坐寶構之重深旅飛蕤之雜襲彫弧在設具
相圃之和容大竒連飛餘西山之勁氣賚金威暨醉露
欽定四庫全書

云晞泱愷樂之洪私極亨嘉之盛遇臣等幸叨景從俯
激歡衷相趨舞歎之餘綴伎游揚之末冒陳清覽增集
腆顏謹齋沐各抒成九日侍宴太清樓詩一章謹隨狀

上進

登高聞舊俗況此奉堯觴鳴蹕遙空下層樓飄氣傍御
溝新過雨苑樹未經霜楚澤丹苞重吳畦紫穗香三侯
天縱妙九節召南章中宣矜多藝威將懾四方清時人
共樂白日坐間長近從叨慈渥區區祝壽昌

上享郊廟

并引狀○慶歷四年甲申十一月二十五日壬午冬至

伏以皇帝陛下寅恭郊祀罄竭精衷乃吉日己卯齋宿路寢翌日款謁景靈宮朝饗太廟逆有事於園丘以見上帝瑞應昭答威禮告成聖意德音皆可書為後世法臣執綏駿乘尤見詳悉謹用脩成享廟禋郊詩二章章八韻誠不足闡揚丕顯休命之萬一然事皆紀實可以備史筆之闕是亦臣子區區之誠者也

享廟

欽定四庫全書

樂全書

四

瑞雪清晨集丹墀發策初皇帝大慶齋宿之日先德音

聞徹蓋是日雪大作左右玉色望升車先是禮官上儀

上進還次有詔侯冊羽衛排闥闕晴光溢紫虛比曉升

寶升車進發乃還次先薦享景靈宮玉用疏屏宿旌旗裸獻

然琳宮陳玉幣四圭有邸帶用青太官無感舉上自齋

多儀備絃匏九變徐奏有詔樂畢九太官無感舉上自齋

威掌次省先除兩廟說小次不靈鑒紛昭格天心不自

裡社

舒孝慈更答告萬福此攸儲

回仗由黃道鳴鑾入翠宮愜思文武侑園丘之祀太祖

升升誠與地天通登陞行祠徹慶歷元年親郊始改園

至是有詔悉徹之仍命曲終祠坐幄空上即壇所端立

臺編入禮令永為常式是日恬無微風雲無纖

次風雲歸絕域星斗下遙穹望一色太史奏有

際紫煙白龕層燭焰紅氣祥書魯觀至日雲物黃潤四

年之福椒萃堯躬海上雞星動樓前馬隊雄是日御端

閱捧日奉僕臣殊幸會獨得近重瞳臣參陪禮

宸等陝

升祔慶成

欽定四庫全書

樂全書

五

明詔初發中奉慈請升祔考典下容臺集議付近署變

禮稽國章大義推經據叅覆經宰司裁定皆宸慮獻后

正壺儀仍凡被遺顧擁佑隆帝室清夷贊王路懿主鍾

景命謀宮開慶祚靈長繁發祥熙洽本垂裕達闕邀仙

軒相城拱寒樹別饗隔昭穆時思怵霜露陽月日上辛

齋居待清曙當街薦寶冊夾道陳鹵簿玉色儼莊栗淵

哀緬馳慕端聞出翟車黃道回天步千官陪祠庭秘祐

寧神御威德配不祧至考始如素穹厚昭精純著夷入

儀注渙汗肆慶有需雲均膏飫廣愛形海區教忠憲侯
度下臣叨載筆書法寶典故

大禮禮成

皇祐五年

皇心奉先孝威德事天明嚴配講隆禮

三聖並備著為大典精裡

格至誠衣冠先示賢

臣慶曆四年攝太僕卿執紼及此再攝太僕卿執紼及諸服御皆

不易舊聖心尚

金石始諧聲

郊廟始用新製鐘磬及以晉鼓鼓金奏

初登熟鋒和用啟牲

始備古制鑄牛羊豕及用鷹刀啟牲

萬物樂由庚星斗羅空碧

紫煙微紫清祥曦回羽衛佳

欽定四庫全書

樂全集

六

氣覆瑤瑤雷雨金雞動風雲鐵馬輕靈休紛報貺宸念

在持盈

臣陪駱屢被顧問聞持盈守成之言

喜雪

慶曆二年

愆陽干歲事齋殿軫予憂默為斯民禱心從六事求同

雲俄蔽景盈尺忽呈休浙澀千瓊樹崢嶸萬玉樓塵氛

開紫宙氣象露皇州鵬鶚精神勁松筠操稟優邊庭傷

久戍農畝慶來甦咨爾臣鄰地常期九叙脩

送內閣蔡公歸闕

豐宮周舊宅梁國漢東閭尹正司留鑰賢公出近班教

條推愛利滋蔓悉除刪狹野耕桑急終年獄市閒燕申

鈴閣靜榮養彩衣斑治迹經綸外陰功造化間士林歸

北海人望在東山一節邁趨名西轅不可攀前旌霜樹

曉候騎古河灣和氣均生物淳風復海寰具瞻知可副

威德致無艱他日開鑪冶餘功為鑄顏

送吳春卿赴都

法座臨軒策俊髦同君陛見預旌招疲驚十駕始千里

欽定四庫全書

樂全集

七

孤鶻一飛先九霄蘭棹秋風行遞迤觚稜旭日勢崑崙

石渠為謝諸時彥行邁同趨便殷朝

送冀州李太傅

多君貴主子材識乃名儒青海渥洼種丹山鸞鳳雛兵

家左車後書法右軍無擁幢羞紉袴懷章就隼旗亭臺

煙水間樓堞暮雲扶

信都郭東連大澤平樹觀游在焉

析木元分冀滹

沱漸近胡雙觥雖蘊藉

文和在滹淵故事

重開勿須吏誰道長

城遠今觀出上都

送李芝東歸

此君齊魯之奇才三十病廢吁命哉來遊京國動悽悵
東歸泰山卧崔嵬支離攘臂福所倚功名累身古共哀
但恐人求駿馬骨未免却上黃金臺

送蘇學士錢塘監郡

趣時貴近君獨遠此情於世何所希車馬塵中久已倦
湖山勝處即為歸洞庭霜天柑橘熟松江秋水鱸魚肥
地鄰滄海莫東望且作阮公離是非

欽定四庫全書

卷一

呈資政宋尚書

當年留鑰守陪都龍坂因茲得曳裾北海一章慙驚鳥
松江三歲厭鱸魚賈生感事多垂涕園令居閒輒著書
獨恃明公念孤介東郊未去逐長沮

送石曼卿赴闕

功名本不與人期人取功名亦繫時蜀相閒居久龍臥
馬周狂醉竟誰知將軍身到衛廬問英主心驚奏蹟奇
宣室思賢方空席去陳經濟勿遲遲

重送趙叅

叅也堂堂氣拂雲十年策蹇四方塵羈窮自古有元叔
精鑒觀今少法真驥在羈羣殊有態龍初魚服未能神
君看渭曲傳巖事天困斯人必有因

送馬武

才命相憎不相並古來達者齊其中此君寂寞年雖暮
靈府崢嶸事甚雄韜上鷹飢思掠草車傍驢老尚追風
丈夫掩棺始為了是故南陽晚立功

欽定四庫全書

卷一

送張寬

得喪竟誰尸人謀不可移獨看屠釣叟達過帝王師大
觀齊諸物雄圖彼一時君思塞上說孰可預端著

送張郎中赴闕

明公才氣本雄傑晚戴儒冠腰拖紳講劍妙傳勾踐術
工書兼得伯英筋外臺共歎郎潛久中檢行膺帝命新
司列不煩詢治狀幾州樂社有遺仁

送宋秘丞赴任鄆陽

蕭灑武夷秀茲人美且佷治經通古學應務當時材蓋
在脩書遜行須造幣迴更研輕重術歸秦阜民財

送祝生東陽簿

之子東南美聲光滿貴游溪山聊薄宦才調自名流野
趣雖孤艇清涂即十洲金波沁園宴遲子有賢侯

送客游兗海

寒飈慄冽響吹空雪意沈沈歲向窮正是兼衣御醇酎
如何孤蹇逐飛蓬杉松古色泰山廟綠竹遺音夫子宮

欽定四庫全書

卷一

十

訪舊自堪寬旅瑣賢侯況似蜀文翁

送楊君西安

君過嚴陵瀨扁舟入婺溪灘長秋日短山亂暮雲齊未
探驪龍領聊羈駿馬蹄吳江濤正惡鴻鴈此東西

君之昆子

莊學士起四
明倅同行

送客入洛

高歌彈鋏酒盈鍾壯士何須歎道窮客路歲闌天又雪
旗亭醉別氣如虹驕騰夷路思良御帆破長波待便風

今子方為采蘭役未宜去揖紫芝翁

送福州監郡陳殿丞

七閩一都會乃是無諸城海近氣物異山遙風候清宜
游過鄉美君祿及覲榮去去倚門念溪船歸棹輕

送陳汝玉謁三川大資政左丞吳公

育

吳公昔作河南尹首唱儒風薦賈生今日治平承祖德
可無推引助文明

謁青州范天章

欽定四庫全書

卷一

十

劍橫驢膊儒裝陋戟列臺門霸府雄喜似欄衡逢北海
直須雷煥辨南豐謬悠為說非今味疎畧言詩粗古風
更似賈生多歎息聞公真賞勝吳公

送沈生昆弟隨侍之博白四絕句

炎方景象異中原海氣昏昏雜瘴煙今日荒夷成雅俗
薰風南播自鵲絃

不須南浦懷消黯好過西山訪隱淪比到嶺時應近臘
相思可寄一枝春

東連海道徹扶桑北望神皋斗柄旁
兩處音塵杳難接
征鴻歲只到衡陽

夕陽疎葦暮江湄
秋色蕭蕭動客思
自侍嚴君領州去
宣同騷客夢邊時

呈范天章

詔起東山對紫庭
清風蕭灑動堦聲
謠言幾為忠邪發
大用須憑廟社靈
武庫神兵羅斧戟
大宮禮器列蓬銅
願公早入當鈞軸
重演三篇相武丁

欽定四庫全書

樂全集
卷一

主

送郭誠思歸華下

忘懷物外且如愚
何事勞精據槁梧
以馬喻馬即非馬
數輿無輿方得輿
莫執斧斤過櫟社
懶施几席向蘧廬
好歸玉秀峰前坐
閒看晴雲自卷舒

送汾陽高士歸三峰

君深於易過
至人達不食

知逢三洞客
曾指九丹方
氣抱冰霜冷
神含日月光
閒軒同鶴靜
妙境入龜長
它日南峯路
相期過華陽

送邢遁山人

忽悔輕拋雲水來
便將鶴去指林齋
生涯琴劍外無物
日逐醉吟中遣懷
舊隱居常因夢到
塵遊動是與心乖
送君飄自嗟羈滯
木葉脫時還計偕

送趙先生

家住崆峒塞垣上
翩然遊蜀遂忘歸
九還氣足通神化
一日丹成是道機
曾共靈龜波上隱
又隨蒼雀火中飛
只於醉裏藏身去
休入紅塵作是非

送珪師歸衡嶽

欽定四庫全書

樂全集
卷一

主

師通禪律外外學二篇微
師精大行貌似寒山古
身隨風葉

飛滿湘曾曉夢鴻鴈伴
南歸七十三峯裏雲庵
拂舊扉

送僧南遊雪竇

早出都門何往哉
四明雪竇指崔嵬
便從古道揚眉去
莫到寶山空手回
乘月曉行松露濕
迎風晚渡海濤來
普賢樓閣知非遠
邈迤南遊想善財

贈韋不伐

莫隨世偽作圓方
坦坦無邪是履祥
學鄙淺訛趨古道

天教輒軻與剛腸俛投胯下人皆笑獨臥隆中自不常
畢竟途窮無所合何妨持釣坐滄浪

充海孫學士寄示畫錦編述先德宣公進退之

美報之長句四韻奉揚盛事

鄒魯衣冠古士鄉義方不獨有扶陽德名垂世先君子
經術傳家小太常閭巷共榮新畫錦吏民同愛舊甘棠
前人彝鼎銘勲伐未似盈編感事光

贈趙先生

欽定四庫全書

樂全集

古

此老得天樂自稱雲水人佯狂不妨道太息漫勞神沈
醉少醒日與遊多逸民常憂忽不見無處訪清塵

贈三茅朱先生

鬱儀結鄰太霄道金璫玉珮虛皇冠鑪中火候煙霞煖
壇上聲聲星斗寒紫節晨遊從玉女綠轡夜降接靈官
願持璧紐充盟信乞取胎精九化丹

玉泉觀贈高道士

古屋氣象冷蒼崖煙翠中龍歸半天雨虎嘯一巖風露

贈郭誠思

後芝房紫霜餘相寶紅終期把藜杖來伴白雲翁
壯志本桑弧當年亦棄繻塵游謝京國火記得鄴都露
氣凝瓊樹冰光澈玉壺世間出世法胎食即天廚

贈趙抱一

君隱居雨當石門後更
深入紫柏山人迹絕矣

石門路已絕塵寰紫柏高深不可攀野客蒼茫連遠水
暮雲慘澹裏寒山琴碁有徇皆為役松竹無情且共閒
卉醴一盃時自釀陶然亦可發朱顏君重子時遇道士
與一桃啗之遂不

欽定四庫全書

樂全集

古

食嘉祐七年余領祭邀君至七十餘矣不食已六十餘
年髮白面紅亦不善異於常人云山中之酒醞蜜飲之
亦可解道苦
胡蜜為卉醴

贈青城山威儀觀李鍊師

天倉三十六峰下猶有軒轅轍迹存丹竈前臨六時水
芑田遠接九仙門九仙竇雲
洞近後觀火芝夜照千燈迴江樹朝
涵一氣渾道友相邀尋異藥攜筇幾到老人村

贈終南李道人

神仙靈藥自然功五色光中一氣通借問衆同相類法

何如相類即參同

贈琅邪智先長老

師臘八十六

山路層層峻，棲樓最上層。淨光懸海月，幻體任春冰。四句有為法，一心無盡燈。我來忘所問，相伴久騰騰。

贈辰長老

燕坐非持律，遊方不學禪。長空任飛鳥，古澗自寒泉。見月何須指，追風不待鞭。平生一破衲，隨處伴閑眠。

贈崆峒天水公

欽定四庫全書

樂全集卷一

十六

天下赤龍訣，人間金液丹。先生今已得，此事古傳難。陰德留塵世，仙階在廣寒。舊聞三五一，乞取畧開端。

送徐總

半醉長呼意若何，官情道味兩蹉跎。眼前漸漸故人少，世上紛紛新事多。疎籟自鳴非節奏，虛舟妄觸任風波。悲歌深歎流年急，常憶江南藍采和。

送杜山人

山人山行見虎輒同路而行又苦嘯

到不說來處去，安知所之野雲同。自在溪鳥與誰期，虎

伴閒行遠，猿驚住嘯遲。相逢聊一醉，重見又何時。

宋屯田歸湖南

舊學孫明復，春秋助發微。儒者孫復字明復撰春秋尊王發微君常預講論遊驚白首知，已失緇衣故司徒陳泰公常薦君乞了朝雞去，南隨

社鶯歸，衡湘多隱逸。道侶未應稀。

筇杖贈凌生

生有官不仕無妻子

山居知獨處，一杖代兒曹。試水溪沙淺，挑雲嶺路高。訪僧歸有伴，採藥遠忘勞。它日蓬萊會，應騎過海濤。

欽定四庫全書

樂全集卷一

七

都官葉舒郎中歸三衢

宗卿橫經授小侯，跡同半隱久沈浮。却尋故國溪山路，多謝朝堂鐘鼓樓。冉冉年華成老態，紛紛時事作閒愁。一丘一壑平生志，况有門人伴釣遊。

樂全集卷一

欽定四庫全書

樂全集卷二

宋 張方平 撰

律詩

微子廟

西伯已招二大老東隣更棄三仁人元龜遂訖商家命
白馬永為周室賓抱器幸存天鳳祀喪邦都為牝鷄晨
可憐長發源流遠舊國猶存廟樹春

秦州北山云是隗囂宮登城樓下瞰偶題

欽定四庫全書

樂全集
卷二

宛下君臣實兇戲昆陽勝敗非人力劉秀其來異獨夫
隗囂何事為西伯送質已是不能強保險明知本無策
惟其得士似田橫後世英雄共嗟惜

讀杜工部詩

文物皇唐盛詩家老杜豪雅音還正始感興出離騷運
海張鵬翅追風騏驎鬣三春上林苑八月浙江濤璀璨
閑鮫室幽深閑虎牢金晶神鼎重玉氣霽虹高甲馬騰
千隊戈船下萬艘吳鉤銛莫觸羿毀巧無逃遠意隨孤

鳥雄筋舉六鼇曲殿周廟肅頌美孔圖衷世亂多羣盜
天遙隔九臯途窮傷白髮行在窘青袍憂國論時事司
功去諫曹七哀同谷寓一曲錦川邀妻子飢寒累朝廷
戰伐勞倦遊徒右席樂善伐干旄舊里歸無路危城至
輒遭行吟悲楚澤遠觀念莊濠逸思乘秋水愁腸因濁
醪來陽三尺土誰為翦蓬蒿

題楊大年集後

天上靈仙謫人間秀氣涵朱絃清廟瑟美輪豫章枿富

欽定四庫全書

樂全集
卷二

艷三千牘從容八十函朱齡石典純追古昔雅正合周南溫

粹瓊瑤潤滋醲稼穡甘微中緘海蚌巧處吐春蠶璀璨

龍宮出精深虎穴探機衡成艷碗嵩洛入煙嵐公助正不容權

律謝病歸陽翟因就除知汝州寂忍修禪智虛柔慕史冊驥轅曾未聘

驚駭不停驟巖廟登何艱承明入獨三可憐經濟意舊

客記高談門人黃繼錄公餘論為說苑

讀王朴傳

世主英威動九陽高賢事業出巖廊何須夢卜疑千古

灼見雲雷定四方小國霸圖微管葛當時人傑自蕭張
不終制作成遺恨律準今猶在太常

讀素書

孺子圯橋跪履年七章德在穀成仙所言道德帝王事
不比盤盂長短篇晚欲出塵應有訣初行遇漢豈非天
蕭曹勲業皆勞力寧似功成樽俎前

過豐

劉季當年在古豐芒碭王氣已連空天機先露由啼姬

欽定四庫全書

樂全集
卷二

人意冥符自董公歷數有歸徒勝負風雲相會盡英雄
不然樊鄴蕭曹輩盡老屠商榷吏中

過沛題歌風臺

落托劉郎作帝歸樽前感慨大風詩淮陰反接英彭族
更欲多求猛士為

題中陽里高祖廟

縱酒踈狂不治生中陽有土倚兄耕晚遭亂世成功業
更向公前與仲爭

臨淄同劉仲方作

迴合空山萬疊蒼礮溪投釣此開疆儒家俎豆連洙泗
戰國戈鋌接楚梁四嶽子孫終海嶼諸田意氣盡尸鄉
不惟仲父能輕重形勝由來自霸強

劇孟

人物無重輕廟朝有失得世平徒匹夫時拙一敵國姦
雄望風塵冠劒動慙色治庭不論功聲名輝典策

讀齊世家

欽定四庫全書

樂全集
卷二

默坐礮溪素髮垂商周於此繫興衰機深正似忘機者
應被沙鷗靜處窺

讀楞伽經

楞伽三萬六千偈百八句中成自性法法非法離法塵
心心無心入心病漸熟當似菴羅菓頻照猶如大圓鏡
龜毛兔角妄有無海浪空華不清淨

讀混元經

五行生成本一氣曉此體用知命樞還元當復定金鑠